

Sabar Menghadapi Dugaan Kehidupan

1. 155. Kami pasti akan menguji kamu dengan sedikit ketakutan, kelaparan, kekurangan harta, jiwa dan buah-buahan. Dan berikanlah berita gembira kepada orang-orang yang sabar.
156. (iaitu) orang-orang yang apabila ditimpa musibah, mereka mengucapkan, "Inna lillaahi wa inna ilaihi raji'un".
2. (a) Perasaan takut
(b) Kekurangan hasil tanaman
(c) Kehilangan harta benda
3. (a) Sentiasa tabah dan sabar serta mengharapkan pahala daripada Allah SWT
(b) Muhasabah diri dan berusaha meningkatkan ibadah
(c) Berbaik sangka dengan Allah SWT bahawa setiap ujian pasti ada hikmah
4. (a) Kita hendaklah yakin bahawa setiap ujian yang berlaku pasti ada hikmah disebaliknya
(b) Kita hendaklah tidak mudah berputus asa apabila menerima sesuatu ujian
(c) Kita mesti melazimi amalan berdo'a ketika ditimpa musibah
(d) Orang yang beriman mestilah menghadapi musibah dengan sabar dan tabah serta bertawakal kepada Allah SWT
(e) Kita perlu yakin akan balasan syurga dan pahala yang dijanjikan oleh Allah SWT kepada hambanya yang sabar
5. Aktiviti murid

POWER PT3

1. (a) (i) kemewahan
(ii) kelaparan
(iii) ibadat
(iv) mukmin
(b) Memberi kesedaran bahawa manusia itu lemah dan banyak kekurangan.
(c) Ahmad telah dibantu oleh Allah SWT mungkin kerana sikapnya yang ikhlas dalam membantu orang lain. Namun, musibah yang Allah timpakan kepada kereta Ahmad kerana rosak akibat kemalangan adalah lebih kecil berbanding mudarat yang bakal diterima sekiranya Ahmad ditangkap oleh polis atas tuduhan mengedar dadah. Hal ini membuktikan setiap musibah itu ada hikmah disebaliknya dan kita mestilah berlapang dada untuk menilai.

POWER KBAT

1. Ujian Allah sama ada dalam bentuk kelaparan, kesusahan bencana atau sebagainya ditimpakan kepada manusia supaya dapat menghapuskan dosa manusia seterusnya membersihkan hati manusia daripada perkara negatif. Oleh itu, kita hendaklah sentiasa bersabar menghadapi ujian Allah agar dapat membentuk akhlak mulia.
2. Ujian Allah SWT yang menimpa kepada seseorang seperti penyakit, kemalangan, kelaparan dan sebagainya akan melatih kesabaran seseorang dalam mengharungi kehidupan. Orang yang bersabar membuktikan keimanannya kepada Allah dengan sentiasa bersyukur seterusnya istiqamah dalam beribadat kepada Allah. Oleh yang demikian, keimanan dan ketakwaan seseorang kepada Allah dapat dipertingkatkan.
3. Saya akan menasihatinya supaya bersabar dan bertenang dengan musibah yang menimpa kerana musibah diberi untuk menguji tahap keimanan dan kesabaran seseorang. Oleh itu, beliau haruslah reda dengan ketentuan ilahi kerana pasti ada hikmah di sebalik musibah yang diuji.